

768. Quin & Epithemata saepe juvant;
& Inunctiones spinae dorsi; & adstringen-
tia epota.

769. Ut singularis fiat curatio singula-
rum, notetur 1. intermittentes veras quo
minori spatio quiescunt, eo finiri citius,
& contra. 2. eo itidem plus accedere ad
acutarum genium, & in has mutari. 4. cau-
sam eo mobiliorem forte, & copiosiorem
habere 4. hinc vernales superveniente ca-
lore, sponte solvi. 5. autumnales. accedente
frigore, increscere. 6 inde liquere, quibus
febris medicina facienda, & qualis.

MORBI ACUTI FEBRILES.

770. **N**unc morbi Acuti considerandi,
qui febre stipati acuta, tamen
singularem inflammationem inducunt huic
illive organo. unde ab ejus functione lae-
sa toti morbo imponitur nomen. Tales
sunt Phrenitis, Coma, Carus, Angina,
Peripneumonia, Haemoptoe, Pleuritis,
Inflammatio Mammarum, Diaphragmatis,
Ventriculi, Hepatis, Lienis, Mesenterii,
Intestinorum, Dysenteria, Ileus, Volvu-
lu, Tenesmus, Haemorrhoides, Colica
biliofa,) Renum, Vesicae, Ureterum, Ute-
ri, Juncturarum, Exteriorum in Morbil-
lis, Variolisque.

PHRE-